

Date – 20/11/2024

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

1. Mizoram Florists Association leh Horticulture Department tangkawpin a buatsaih Winter Fair cum Flower Show, Aijal Club a buatsaih chu nimin khan Horticulture Minister Prof. Lalnilawman a hawng.
2. Champhai District-a naupangte chawchhun pekna, PM Poshan kalpu ththa zualte hnenah chawimawina hlan a ni.
3. Tukin dar 7 atang khan Maharastra leh Jharkhand Assembly inthlan vote thlak tan a ni
4. Prime Minister Narendra Modia chuan hlawhtling taka Brazil-a hun a hman hnuin ni thum cham turin Guyana a thleng.

<><><>

### HORTICULTURE MINISTER

Horticulture Minister Prof. Lalnilawma chuan Mizoram Florists Association leh Horticulture Department tangkawpin a buatsaih Winter Fair cum Flower Show, Aijal Club a buatsaih chu nimin khan a hawng. He Flower show hian ni li awh in ni 22 thleng neih a ni ang.

Horticulture Minister chuan Fair chu pangpar lama eizawngte leh a tuimi te tan hlawkthlak tak a nih ngei a duhsak thu sawiin, flower show a lawmman dawngtute chu a lawmpui thu a sawi bawk a. Pangpar chin chu horticulture hnuia peng pawimawh tak pakhat a nih thu sawiin, kawng hrang hrangah hmasawnna awm zel tura a duhsak thu a sawi a ni.

He Fest ah hian mipui lei tur pangpar chi hrang hrang phochhuah a nih bakah category hrang hrang ah intihsiaikna buatsaih a ni bawk a. He intihsiaiknaa a tha thlanchhuahte chu khuallian chuan lawmman a pe a ni. Intihsiaiknaah hian entry 97 a awm a ni.

Mizoram Florists Association hi November ni 16, 1997 khan din niin Mizoram Society Registration Act hnuiah kum 1998 khan in an in register a. Mizoram sorkar nen tangkawpin sorkar hmun pawimawh chei leh enkawl hna an thawk thin a. Chung zingah chuan kum 20 chuang Lengpui Airport chhung leh pawn lama pangpar leh plant chi hrang hrang chin leh enkawl a tel a ni.

<><><>

## INCOME TAX

Aizawl-a Income Tax Department hotute chuan Mizote chu tribal an nihna angin income tax-in huam lo mahsela, sorkar laipui dan zamin a phut ang a TDS an ngaihsak a pawimawh an ti.

Income Tax Department hotute chuan Income Tax-in a a huam loh India rama tribal-te pawhin dan ang takin Tax Deduction Source bikah Tax deduction Account Number an neih a ngaih thu sawiin Mizote zingah Income Tax changchang ngai pawimawh an tlem ni a a lan thu an sawi a, sorkar hnathawk zingah department tin a Drawing and Disbursing Officer-te pawhin Income Tax chungchang hi an ngaih pawimawh a ngaih thu leh sumdawngte pawhin an sumdawnna kaihhnawih a an Bank Account-a sum lut te uluk taka an chhinchhiah a pawimawh thu sawiin Mizote chu tribal an nihna avang leh an sumdawnna hmun chu tribal area a nihna angin, sorkar-in income tax chawi tura a tuk ngawt theihna a awmlo a, chumi tur erawh chuan Tax Deduction Source mumal tak leh felfai tak an neih a pawimawh a, hemi atan hian Aizawl Bawgkawn Brigade-a awm Income Tax pisa-a thawktute an inpeih reng thu an sawi a ni.

Hei bakah hian Mizorama Kohhran tinte leh tlawmngai pawlte'n bank account an hawn chungchanga Income Tax Department hotuten an hriat tur pawimawh an tih kan correspondent chuan hetiang hian a sawi.

**Voice Cast:-** Income Tax department hotute chuan Akashvani News Aizawl an hrilh danin Mizoram chhunga Kohhran leh Tlawmngai pawl hrang hrangten bank account an siam in PAN card bank lamin an lo phut thin a, hetah hian Kohrran leh tlawmngai pawl a sum enkawltute pan card lo thehlut mai thin an awm a, hei hi khawlin mimal account emaw tiin income tax leh thildangah mimal account angin a hmu thin a, Kohhran leh tlawmngai pawl tinten harsatna an tawh loh nan, Kohhran emaw tlawmngai pawl hming a pan card siam theuh turin Kohhran tin leh tlawmngai pawl tinte an hriattir thu an sawi bawk.

<><><>

## PM POSHAN

Champhai District-a naupangte chawchhun pekna, PM Poshan kalpui tha zualte hnenah chawimawina hlan a ni a, Champhai District-a PM Poshan kalpui tha zualah hian school 10 thlan chhuah an ni a. Hengte hi zirtirtu Association ten tehfung hrang hrang endik lehin pakhatna atanga pathumna an thlang a. 1-na Govt Mualkawi PS, 2-na Govt Zawlsei MS leh 3-na Govt Kanan MS te an ni.

Samagra Shiksha, Champhai District buatsaihin chawimawina hlanna pual hian Education Training Hall-ah nimin khan hun hman a ni a. DPC Pi K.Lalsiamliani chuan thu sawiin, PM Poshan hi Champhai District-a sorkar school 140 chuangah kalpui a ni a. A titha thlan chhuah school 10 te chu an entawn tlakin an chhuanawm hle a ni, a ti.

PM Poshan atan hian school-in Convergence Cost an dawn khat em em karah zirtirtute leh hnathawkte inpekna leh tanrualna te, nu leh pate inpekna avangin zirlaite tan chawchhun buatsaih theih a la ni hi a ropui leh zual a. Naupangten school kal ni apianga an ei theihna tur te, chaw tha leh an ei duh ngei siamsak kawngah te tanlak chhunzawm zel a pawimawh tih a sawi bawk.

**DPC chuan zirtirtu kalkhawmte chu PM Poshan kalpui kawngah hian thil tha, intihhmuh leh entawn tlakte ching chhuaktu-a tang turin a fuih a. Nu leh pate nena thawhhona bakah khawtlang leh tlawmngai pawlte pawh tanrual a ngaihna hrilh harhtu ni turin a sawm a ni.**

<><><>

#### **CHAMPHAI FIRE**

**Nizan dar 7.30 vel khan New Champhai, Helipad Biak In mual a chenna in 1 chu bungraw chuh hman loh in a kang ral a. In hi Assam type niin in leh bungraw kang ral hlut zawng hi cheng nuai li, sing thum, sang ruk leh za nga vela chhut a ni.**

**He in hi Pi Ningngawhluni in a ni a, a fapa nen chauh cheng an ni a, he thil thlen lai hi an len chhuah lai anih avangin mihring thi leh hliam an awm lo a ni.**

**Kangmei chhuah chhan hi hriat a ni lo va, thenawm hnaiin an hriat meuh hi chuan in hi a kang nasa tawh hle a, gas cylinder pakhat a puak bawk. Champhai Fire Station lam chuan kangmei chhuahna hmun hi motor a luh theih loh avangin fire call pawh an dawn mai loh thu an sawi a, anmahni remhriatna in kangthelh tur hian an thawk chhuak a ni.**

<><><>

#### **AMC**

**Aizawl Municipal Corporation-a Committee on Regulations of Restaurant, Hotel and Hostel Chairman leh Corporator ni bawk, Pu Rosiamngheta chuan Aizawl Municipal Corporation-in tunhnaia Aizawl khawchhunga thingpui dawr leh hotel-te an endik chu report siam a, AMC-a hotu sang zawkte thuthkhawmah put luh leh a nih tur thu a sawi.**

**AMC Committee on Regulations of Restaurant, Hotel and Hostel Chairman chuan Akashvani News Aizawl-a hrilh danin, an Committee-in a Aizawl khawpui hmun hrang hranga thingpui dawr leh ei in siamna hmun an endikna-ah, a tam zawk chuan Health Department in a phut angin Food Safety and Standard Authority of India FSSAI Certificate chu an nei deuh vek a, AMC permit erawh neilo an awm nual a, AMC-a in register chu thil pawimawh tak a nih thu leh AMC chu Aizawl khawpui management khawihtu a nihna ang a, sumdawnna leh damdawiin tleng a AMC a in register a pawimawh thu a sawi bawk.**

**Pu Rosiamngheta chuan Aizawl chhunga dawr leh damdawiin bakah a mi chengten midang tan harsatna an siam leh siam loh te, a bik takin ei leh in siam a sumdawngte'n, an ei leh in siam a thianghlim tawk em tih enfiah chu Municipal Corporation chanvo a nih thu sawiin, ei leh in siam thianghlim leh thianghlim loh enfiah chu hun rei tak atanga an lo vei tawh thu a sawi a, Aizawl khawpui a chengte nun chuan kalphung mumal tak a neih a duh thu thu leh chu nun chu dan hnuai a zalen taka awm tura a duh thu a sawi bawk.**

**(BYTE)**

**AMC hnuia Committee on Control of Parking & Collection of Parking Fees chu nimin khan Deputy Mayor Pu R. Thanglura hoin an thukhawm a,**

**He thutkhawmah hian Aizawl khawpui chhunga khualzin tamtak leh Maxi Cab service ten loh theih loh thil a an lirthei te zan lama an riahna tur ruahmanna mumal zawk siam a nih dante an sawi a, hemi chungchangah hian Aizawl khawpui chhunga veng 28-in AMC-ah ruahmanna an neih te an thehlut**

**tawh a, Maxi cab bik zan a riah na hmun tur pawh AMC hian a ruahman fel tawh thu leh Traffic Police leh Local Council te nen tha taka kalpui tum a nih thu sawi lan a ni bawk.**

Thukhawmte hian Maxi Cab stand leh Berawlvia Aizawl City Bus Terminal luah dan tur chungchang bakah, Aizawl Municipal area chhunga Two Wheeler Taxi parking chungchang te sawiin Parking area chei that dan tur leh chhinchhiahna siam dan tur te an ngaihtuah tel a, Aizawl khawpui chhunga Parking area siam hrang hrangte chu hauh bik a remchan loh thu leh hmun thenkhata Two Wheeler taxi ten an member ni lo din an phal loh thin pawh ti lo tura hriattir ni se tiin an rel a, AMC Parking area hrang hranga lirthei leng bak hnawh luih a nih thin dan pawh endik tura rel a ni bawk.

<><><>

#### **AIR ON SOCIAL MEDIA**

**Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.**

<><><>

#### **ELECTION**

**Tukin dar 7 atang khan Maharashtra leh Jharkhand Assembly inthlan vote thlak tan a ni a. Hei bakah hian Maharashtra-a Nanded Lok Sabha bial leh State pali- Punjab, Uttar Pradesh, Kerala leh Uttarakhand-a Assembly bial 15 inthlan thatnaah te vote thlak a ni bawk.**

**Jharkhand-ah hian Assembly inthlan hi thawhhniha neih niin a thawhhnihnaah hian district 12 chhunga Assembly bial 38 ah inthlan a ni a Maharashtra ah chuan seat 288 ah vote thlak niin zing dar 7 atanga tlai dar 6 thleng vote thlak a ni ang. Maharashtra inthlanah hian candidate 4136 an awm a ni.**

**Inthlana vote tla te hi tun thla ni 23 ah chhiar a ni ang.**

<><><>

#### **POLICE**

**Union Home Minister Amit Shah chuan vawiin khan All India Police Science Conference vawi 50-na Gandhinagar, Gujarat ah a hawng. He intawhkhawm hi Bureau of Police Research and Development (BPRD) leh National Raksha Shakti University te tangdun buatsaih a ni a. Union Home Minister chuan kum 50 kalta chhunga inthlak danglamna thleng chi hrang hrangte a tarlang a. Heng inthlakna thleng avang hian Police te nihphung leh hnathawh danah pawh insiamrem ngai tam tak a awm a ti a. Kum 10 kalta chhung khan ramchhunga hmun ralmuang lo laia ngaihahte tharum thawnha thleng zat a tlahniam hle a ni a ti bawk.**

<><><>

## **PM IN GUYANA**

**Prime Minister Narendra Modia chuan hlawhtling taka Brazil-a hun a hman hnuin ni thum cham turin Guyana a tleng. Kum 1968 hnua India Prime minister zinga Guyana tlawh leh hmasa ber a ni a. A cham chhungin Guyana President Dr.Mohamed Irfaan Ali nen Georgetown ah an inkawm ang. Hei bakah hian CARICOM-India Summit vawi hnihnaah a tel dawn bawk a ni.**

**Nimin khan Prime Minister Modia hian G20 Summit karlakah Brazil President Lula Da Silva a kawm a. Hruaitu pahnithe hian energy, bio-fuels, defence leh agriculture lama thawhdunna te an sawidun a. G20 President hna tha taka a thawk chu a lawmpuithu a sawi bawk a ni.**

<><><>